

## **Prijedlog**

Na osnovu člana 24. tačka 2. Statuta općine Gradačac („Službeni glasnik općine Gradačac“, br. 4/08.5/12 i 1/17.) na prijedlog Općinskog načelnika, Općinsko vijeće Gradačac na sjednici od \_\_\_\_\_ 2017. godine, donosi

### ***O D L U K U***

#### ***O OPĆIM USLOVIMA, POSTUPKU I KRITERIJIMA ZA DODJELU STIPENDIJA OPĆINE GRADAČAC BRANITELJIMA I ČLANOVIMA NJIHOVIH PORODICA***

##### Član 1.

Ovom Odlukom se utvrđuju opći uslovi, postupak i kriteriji za ostvarivanje prava za dodjelu stipendija studentima (u daljem tekstu: kandidat) koji su pripadnici branilaca ili članovi njihovih porodica sa područja općine Gradačac.

##### Član 2.

#### ***I Opći uslovi za dodjelu stipendija***

Pravo na stipendiju po ovoj Odluci ima lice iz člana 21. Zakona o dopunskim pravima branilaca i članova njihovih porodica.

##### Član 3.

Sredstva za stipendije planiraju se i obezbjeđuju u Budžetu Općine Gradačac. Za svaku budžetsku godinu Općinsko vijeće donosi Odluku o broju i iznosu sredstava za općinske stipendije koje se dodjeljuju u akademskoj godini.

##### Član 4.

Stipendije se dodjeljuju kandidatima koji imaju najveći broj bodova, najbolji rang, do broja predviđenog Odlukom za konkretnu kategoriju u toj akademskoj godini.

##### Član 5.

#### **Pravo na dodjelu općinske stipendije ima kandidat koji ispunjava opće i posebne uslove:**

- da je državljanin BiH,
- da je redovan student fakulteta u BiH,
- da prvi puta upisuje godinu,
- da ima prijavljeno prebivalište na području općine Gradačac.

##### Član 6.

#### **Pravo na dodjelu općinske stipendije ne može ostvariti kandidat u sljedećim situacija:**

- ako obnavlja školsku godinu,
- ako je korisnik stipendije od drugog izvora,
- ako je u statusu apsolventa,
- studira na fakultetu u inostranstvu,
- živi u zajedničkom domaćinstvu gdje se ostvaruju mjesečna novčana primanja po članu domaćinstva veća od 1/3 prosječne plate FBiH ostvarene u prethodnoj godini.

##### Član 7.

#### **Kategorije studenata u kojima se dodjeljuju stipendije:**

- a) Kategorija 1 - student iz reda porodica šehida i poginulih boraca i umrlih ratnih vojnih invalida,
  1. Kategorija 2 - studenat iz reda RVI,
  2. Kategorija 3 - studenat iz reda DB.

## **Kriteriji za dodjelu stipendija**

### Član 8.

Lista redoslijeda kandidata se utvrđuje na osnovu ostvarenog broja bodova po osnovu sljedećih kriterija:

- a) prosječne ocjene u prethodnoj godini pomnožena sa 100,
- b) imovinskog cenzusa,
- c) braniteljskog statusa,
- d) ratnih priznanja i odlikovanja,
- e) zdravstvenog stanja.

### Član 9.

Ukupna mjesečna primanja porodičnog domaćinstva čine prihodi koje članovi domaćinstva ostvaruju po osnovu: plaća, starosne, invalidske i porodične penzije, uslužne ili druge djelatnosti, od dopunskog rada, izuzev prinadležnosti iz oblasti boračko-invalidske i socijalne zaštite.

### Član 10.

#### **Bodovi po osnovu imovinskog cenzusa:**

- a) domaćinstvo bez primanja.....70 bodova,
- b) domaćinstvo sa primanjima po članu domaćinstva do 1/5 prosječne plate u FBiH.....50 bodova,
- c) domaćinstvo sa primanjima po članu domaćinstva do 1/4 prosječne plate u FBiH.....30 bodova,
- d) domaćinstvo sa primanjima po članu domaćinstva do 1/3 prosječne plate u FBiH..... 0- eliminatorno,

### Član 11.

#### **Bodovi po osnovu braniteljskog statusa:**

- Kandidatu u statusu studenta iz reda porodica šehida i poginulih boraca i umrlih ratnih vojnih invalida..... 50 bodova,
- Kandidatu u statusu studenta iz reda RVI..... 30 bodova,
- Kandidatu u statusu studenta iz reda DB..... 10 bodova.

### Član 10.

#### **Bodovi po osnovu ratnog priznanja:**

Studentu iz porodice dobitnika najvišeg ratnog priznanja i odlikovanja pripadaju bodovi kao slijedi:

1. Značka „Zlatni ljiljan“, Red hrvatskog trolista, Orden slobode, Red bana Jelačića, Orden Heroja, Orden „Zlatnog grba sa mačevima“.....5 bodova,
2. Srebrna Policijska zvijezda i Srebreni štit.....3 boda,
3. Red hrvatskog pletera.....2 boda.

#### **Bodovi po osnovu zdravstvenog stanja**

### Član 11.

Po osnovu zdravstvenog stanja kandidatu ili člana zajedničkog domaćinstva pripada .....5 bodova.

Ukoliko u porodici ima više članova zajedničkog domaćinstva sa težim oboljenjima za svakog člana porodice pripada po 5 bodova.

Pod teškom i trajnom bolesti podrazumijeva se:

Raspiratorne bolesti (bolesti pluća praćene trajnim oštećenjem respiratorne funkcije sa vrijednostima FVC,FVE, I- FVE, 1-FVC ispod 40% , asceps pluća i medij astinuma; bolesti koštano- mišićnog sistema i vezivnog tkvja (direktna infekcija zglobova kod infektivnih i parazitnih oboljenja; seropozitivni reumativni

artitits kada je bolesnik nesposoban za bilo kakve aktivnosti ili vezan za postelju i invalidska kolica; ankilozirajući spondilitis; protruzija intervertebralnog diskusa praćene komplikacijama (težim funkcionalnim oštećenjima nerava, mišića, popuštanjem sfinktera) koje zahtjevaju intenzivan i dugotrajan tretman, kao i bolesti koje uzrokuju ozbiljne funkcionalne smetnje lokomotornog aparata i vežu bolesnika za postelju i trajno ga onemogućavaju u svakodnevnim radnim aktivnostima); neuromišićne bolesti (progresivna neuromišićna oboljenja; multipla skleroza; mijastenija gravis; epilepsija nekontrolisana ili rezistentna na terapiju i nezarazni encefalitis i encefalomijalitis), specifična stanja koja zahtjevaju skupi doživotni tretman (transplantacija organa, transplantacija koštane srži, stanja poslije operativnih zahvata na srcu, mozgu, plućima koja zahtijeva duže bolničko liječenje, rehabilitaciju i intenzivni medikamentozni tretman) i ostala oboljenja (infarkt: srčani, moždani, maligni tumor). Zdravstveno stanje se dokazuje nalazom zdravstvene ustanove koji ne može biti stariji od šest mjeseci, računajući od dana objavljivanja konkursa.

#### Član 12.

##### ***Prioritet kod istog broja bodova***

Ukoliko na listi dva ili više kandidata imaju isti ukupan broj bodova, prednost po navedenom redosljedu ima:

- a) student poginulog, umrlog, nestalog borca,
- b) student iz porodice RVI sa većim procentom invaliditeta,
- c) student iz porodice većeg ratnog priznanja,
- d) Student iz porodice DB sa dužim stažom u OS,
- e) Student sa višim prosjekom ocjena,
- f) Student lošijeg materijalnog položaja.

#### Član 13.

##### ***II Postupak dodjele stipendije***

Stipendije se dodjeljuju na osnovu konkursa. Zaključak o raspisivanju konkursa donosi Općinski načelnik, a na prijedlog Saveza boračkih organizacija. Konkurs raspisuje Općinska služba za društvene djelatnosti i boračko-invalidsku zaštitu, koja izrađuje prijedlog konkursa, obavlja i druge stručne i administrativne poslove vezane uz ovaj postupak koji nisu u opisu Komisije za provođenje konkursa za stipendiju općine Gradačac braniteljima i članovima njihovih porodica. Konkurs se raspisuje i otvoren je 15 dana. Konkurs se objavljuje na općinskoj oglasnoj ploči, info-panou i internetskoj stranici Općine Gradačac ([www.gradacac.ba](http://www.gradacac.ba)).

#### Član 14.

Konkurs sadrži sljedeće podatke:

- naziv organa koji raspisuje konkurs,
- iznos stipendija,
- broj stipendija,
- uslove i kriterije za dodjelu stipendija,
- trajanje konkursa,
- naziv tijela kojem se podnose zahtjevi,
- potrebnu dokumentaciju, dokaze o ispunjavanju uslova za dodjelu stipendija,
- rok u kojem će biti objavljeni rezultati.

#### Član 15

Pristigle prijave na konkurs otvara, razmatra i boduje Komisija za provođenje konkursa za dodjelu stipendija općine Gradačac braniteljima i članovima njihovih porodica (u daljem tekstu: Komisija).

Komisiju za svaku akademsku godinu imenuje Općinski načelnik. Komisija ima 6 članova i to: 5 članova iz reda boračkih organizacija i 1 član iz reda uposlenika Općine. Komisija će shodno odredbama ove Odluke sačiniti privremenu rang-listu kandidata u roku od 15 dana od dana zatvaranja Konkursa.

#### Član 16.

Sačinjene privremene rang-liste kandidata sadrži podatke o kandidatu: prezime (ime oca) i ime, godinu studija, naziv obrazovne ustanove i mjesto, ostvarenom broju bodova po svim kriterijima bodovanja i ukupan broj bodova. Komisija privremene rang-liste dostavlja Komisiji Općinskog vijeća za društvene djelatnosti i boračko-invalidsku zaštitu. Privremene rang-liste Komisija Općinskog vijeća za društvene djelatnosti i BIZ objavljuje na oglasnoj ploči, info-pano općine Gradačac i web-stranici.

#### Član 17.

Na objavljenene Privremene rang-liste nezadovoljni kandidati mogu uložiti prigovor zbog nepravilnosti u postupku u roku od osam dana od dana objavljivanja rang-listi.

Prigovor se podnosi Komisiji za Statut i opća akta putem Općinske službe za društvene djelatnosti i BIZ.

Komisija za Statut i opća akta dužna je odlučiti po prigovoru u roku od 15 dana od dana podnošenje prigovora.

Odluka po prigovoru je konačna.

Po rješavanju prigovora Komisija općinskog vijeća za društvene djelatnosti i BIZ utvrđuje Konačnu rang-listu kandidata za dodjelu općinske stipendije u svim kategorijama.

Općinski načelnik donosi Odluku o dodjeli stipendija za tekuću akademsku godinu, čiji su sastavni dio Konačne rang liste kandidata.

#### Član 18.

Sa korisnikom stipendije Općinski načelnik potpisuje ugovor o djedjeli općinske stipendije.

Za maloljetnog korisnika stipendije ugovor potpisuje roditelj/staratelj.

Isplata stipendija vrši se na tekući račun kandidata otvoren u poslovnim bankama na ime korisnika stipendija.

#### Član 19.

Ova Odluka stupa na snagu danom objavljivanja u „Službenom glasniku općine Gradačac“. Stupanjem na snagu ove Odluke prestaje da vazi Odluka o općim uslovima, postuplu i kriterijima za ostvarivanje prava na stipendiju općine Gradačac, br. 01-05-156/13. Od 29.5.2013. godine („Službeni glasnik općine Gradačac“, br. 5/2013.).

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA GRADAČAC**  
**-Općinsko vijeće-**

Broj:  
Datum.

**PREDSJEDAVAJUĆI**  
**OPĆINSKOG VIJEĆA**

Enir Šakić, prof

## O b r a z l o ž e n j e

Općinsko vijeće na 8. radnoj sjednici održanoj 12.10.2017. godine usvojilo je Zaključak da Općinska služba za društvene djelatnosti i boračko – invalidsku zaštitu za narednu sjednicu Općinskog vijeća pripremi izmjene i dopune Odluke o općim uslovima, postupku i kriterijima za ostvarivanje prava na stipendiju Općine Gradačac („Službeni glasnik Općine Gradačac“, br. 5/13). Postupajući po gore navedenom Zaključku Služba je sačinila prijedlog Odluke o općim uslovima, postupku i kriterijima za ostvarivanje prava na stipendiju općine Gradačac braniteljima i članovima njihovih porodica.

Prethodna odluka kojom je uređivan postupak dodjele općinskih stipendija obuhvatala je VI kategorija korisnika, a jedna od kategorija bili su i studenti iz porodica korisnika boračko-invalidske zaštite. Kako je postupak bodovanja i objavljivanja rezultata u ovoj kategoriji bio u vezi sa dinamikom raspisivanja konkursa Ministarstva za boračka pitanja TK, to se u praksi pokazalo da postoji potreba boljeg usklađivanja aktivnosti stipendiranja se resornim ministarstvom, a da ostale kategorije predviđene općinskom odlukom za stipendiranje nemaju zajedničke elemente bodovanja i ne moraju biti rješavane u istom postupku.

Iz tog razloga se pristupilo izradi odvojenih odluka, jer se uvidjelo da se zbog razlika u elementima bodovanja, razlika u terminima raspisivanja konkursa značajno usporava postupak dodjele stipendija i zadovoljstvo korisnika.

Na ovaj način bi sredstva za stipendiranje bila u općinskom Budžetu planirana na jednom ek. kodu i utvrđena **jednom** Odlukom o broju i iznosu sredstava za općinske stipendije za tekuću godinu, a realizovala se kroz dva konkursa.

Odvojenim konkursima bi ubrzali postupak dodjele stipendija za kategorije koje nisu korisnici BIZ-a, jer bi se raspisivao početkom akademske godine, a za kategoriju korisnika BiZ-a postojala bi mogućnost da se konkurs raspisuje prateći dinamiku kantonalnog konkursa.

Općinska služba za društvene djelatnosti  
i boračko-invalidsku zaštitu